

Minister Otmar Oduber

Proyecto di embeyecimento di Baby Beach ta eleva calidad di Producto Aruba



ORANJESTAD (AAN): Diaranson mainta Minister Otmar Oduber hunto cu su colega Minister Mike de Meza tabatin un conferencia di prensa na baby Beach caminda a muestra comunidad e desaroyo di e proyecto di embeyecimento di un di nos beachnan mas popular.

Minister Oduber a duna di conoce cu mescos cu Carnaval Village cu ta kedando precioso, e proyecto di Baby Beach ta un joya di proyecto. Ta trata aki di un vision cu a base di planificacion henter Gabinete Mike Eman II a bin ta desaroya, invirtiendo den diferente aspectonan y bari-onan na San Nicolas. No ta solamente e dos proyectonan aki na San Nicolas ta joyanan di proyecto, tin diferente otro cu sea a termina caba of cu ta den proceso y otronan cu ta iniciando pa asina haci di San Nicolas e di dos capital di turistico di Aruba.

E mandario ta sigui bisa cu despues di 2 aña y mey di planificacion, por mira e resultado di un proyecto diferente, cu ta fit den e ambiente cu tin, combina cu parkeo, curanan cu a worde traha y matanan cu ta dorna esaki. "Sin duda e ta un proyecto cu ta eleva e calidad di e producto di turismo pariba di nos isla. Practicamente nos por competi pa logra e "Blue Flag" cu lo bira e prome beach na Aruba cu por logra e certificacion aki. E fase cu ta continua di biaha den 2 siman cu esaki termina, lo ta e kioskonan cu lo worde traha y facilidadnan di baño", Min-

ister Oduber a indica.

E proyecto aki di Baby Beach ta un ehempel grandi, un proyecto di 1.8 miyon Florin cu a worde inverti den su promer fase y e di dos lo consisti di 600 mil Florin cu lo inclui tambe un tipo di parke di recreacion. Lo crea un area cu no necesariamente tin cu bay beach pa landa, pero por disfruta di otro ac-



tividadnan, segun e titular di Turismo. Tambe el a menciona cu lo percura den e di dos fase pa iluminacion. Finalizando Minister Otmar Oduber a declara lo siguiente: "Pabien na e pueblo di San Nicolas y Aruba en

general, pasobra cu e proyecto aki di Baby Beach un biaha mas nos pilar economico, turismo, ta gana pero alavez e pueblo di San Nicolas tambe ta haya posibilidad mas amplio pa por recrea den familia".